



獨學盧二稿卷

學易齋吟草

古今體詩

九卷

東吳石韞玉著

自題藏麗圖

丈夫五十不封侯，晉間錦帶閑。
君勿怪平生四海無恩仇，英雄不學一人敵。
中芙蓉今繡澁，藻鑿曾逢秦客相。危言空聽莊生說，
結客當結虬髯公。學仙當學黃石翁，傾蓋一言肝膽盡。
不教纖芥留胸中，我思侯門彈缺原非計。妙手空空亦免戲，
誰能指揮六合烟塵。

學易齋吟草

清劍戟全銷鑄農器

沈硯畦四十初度占兩絕壽之

萬里歸來鬢未華，重携枯管祝生花。
願君讀曲彈琴暇，勿忘龍沙夜聽笳。
祿養原非官興濃，藍田廳事強哦松。
祝君但得如松壽，自有功名到鼎鐘。

題傅青主水墨花卉畫冊

百卉生含英，朱紫各異色。孰為繪畫是，斯理不可極。
達人多慧心，緣物以為則。心慮五色迷，一切守其黑。
所尚在元同，豈徒去雕飾。春風天上

來草木蕃以息當其未萌芽皆藏太元域智者
叅物理寄情水與墨渲染忽成形賢愚共能識
靜叅造物理生機滿胸臆一一性海來詎假丹
青力

題趙蘆洲太守雪裏從軍圖

萬里青天蜀道難雪花如掌鐵衣寒即今顏色
披圖在不減凌烟閣上看
絳節朝天往復回秦川一路淨征埃從茲五馬
行春去劍戟全銷買犢米

題洪石農畫冊

學易齋吟草

不須高隱任青門何事危言和漆園記取周京
瓜瓞句長留第祿到兜孫
湘浦菱蓮蜜樣甘兜羅綿手憶瞿曇生香活色
神仙供不許尋常草木叅
溪山新霽又新秋深樹浮嵐翠欲流不向倪黃
尋粉本一團蒼老李營邱

臘月八日奉陪嚴筠亭觀察探梅蒙子園

與主人張玉屏檢討茶話至暮而歸偶

成二絕句

芳風吹綻向南枝花氣薰人欲醉時却想孤山

深雪裏喬柯如鐵得春遲

屏除車騎為尋春竹裏茶烟一縷新步到衡門
無鶴守主人近狀益清貧

岸上舟圖為馬軼凡作

綠水芙蓉彼一時十年戎馬蜀江湄有人畫舫
齋中住世上風波總不知

我本烟波舊釣徒平生踪跡半江湖何時官海
先登岸自寫滄浪鼓柁圖

望峨圖為王雲浦刺史題

頻年戎馬川東北歷盡蠶叢蜀道難惟有靈山
學易齋吟草

仙佛境無緣只向畫中看

石湖遊記吾曾讀雪嶺雲巒不可蹤却羨輞川
老居士短衣策蹇佛光中

梁間燕

翩翩梁間燕春日曾將雛營巢主人屋辛楣毒
瑁櫃呢喃引其子閒暇集坐隅飲啄有餘樂耦
居無猜虞忽然感秋社辭巢將戒途主人喟然
歎汝往將安徂天涯歲將晏百卉亦已枯不如
守舊廬暮景安桑榆燕飛不反顧主人言何迂
不見芳林樹花謝存空柎萬物有聚散綠盡還

分趨神離顏難合何苦強虛拘嗟哉巢中燕不
及屋上烏烏生九子尾畢逋啞啞夜啼守故株

瞿塘

江水出夔門兩崖束如帶吐哉豔瀨石當路轟
礧礧爾無砥柱材強欲塞其允狂瀾不可迴徒
為行人害安得巨靈鋤去之萬古畏途一朝泰

巫山十二峯歌

頻年橐筆元戎幄馬帶胡纓人劍服往來六度
此山中未識山靈真面目掃盡欃槍入

帝京郡符一解即過行今朝逢底看山色此身

學易齋吟草

鬢喜無官輕大江滔滔東入楚雲安三峽如門
戶涉世方知鷗夢恬歸人不覺猿啼苦翠屏一
峯挿天半諸峯窈窕若為伴髣髴錦屏十二釵
各鬥婵娟鏡中看我行西蜀家東吳萬里江山
入畫圖平生覽勝興不孤巫山之奇天下無鳴
呼巫山之奇天下無

兵書峽

風后創握奇軒皇平六寓維時兵寓農徵車按
籍數八家居同井八陣出同伍但有守望勤而
無征調苦戰國井田廢其法稍變古孫子十三

篇實為兵家祖其餘輜與畧智巧各覩護郢書
而燕說雖多亦奚補偉哉趙武靈戎服夸子武
變車以為騎擊荆如風雨厥後兵家流習此以
禦侮八門武侯圖五花藥師譜或員而中規或
方而成矩非無少異同孰敢相奴主可知古兵
法一廢不再舉不見房太尉誤讀車攻話義軍
四萬人盡化陳陶土大江東南流諸峽如蠶叢
相傳兵書峽秘笈藏其中裨垂喜附會地志多
雷同嗟彼耳食流何以開其蒙自古知兵人豈
由故紙攻運用在一心神竒出無窮岳侯好野

學易齋吟草

五

戰所向亦成功趙括讀父書臨事終昏曹況乃
索隱怪天豈誘其衷試觀黃石畧平易六經同

靈風觀

在巫山

蜀山萬疊塞杳冥似后導江馭六丁鑿開巫峽
通東溟雲峯十二張翠屏楚王曾此逢娉婷我
今訪古征權停攀陟危磴高矚辨山巔叢祠竹
柏青廡門泡釘熠繁星中有神人坐明庭中妙
二八侍玉軒爐烟裊裊春晝靜時有幽鳥闕虛
櫺空山無人語鐸鈴花氣醉人午不醒不尊久
竹生青寧神鴉迎客颺脩翎洞房明潔塵不到

靈山草木都含馨我聞瑤姬生帝廷左右玉女
給使令出入風雨走雷霆太陰貴真自鍊形豈
向濁世儕尹邢洛川有妃湘有靈騷人微辭多
不經曲士妄言亦妄聽朝雲暮雨訛千齡我欲
馳烟向山庭削除舊跡鑄新銘山靈聞言若首
肯世間綺語空臃脰

乙丑元旦

人生百歲期今朝我過半盛顏既蹉跎桑榆日
已盱昔我始生辰丙子秋穀旦山鷄集庭隅羽
毛五色燦僉曰文明祥餘慶占爻彖六年就外

學易齋吟草

六

塾幼學解書筭十八衿始青藻芹思樂泮衣冠
習揖讓墳索恣點竄頽頽漸成人既婚亦既冠
稽古鑽故紙勵志寄柔翰思賢詠伐木學道未
登岸徒抱覆蕘心輒興望洋歎孤竹空自鳴芳
桐屢經爨三薰韓愈賒一刺彌衡漫遭遇

聖主恩選士求楨榦弗以散木棄且作祥金鍛
射策登龍頭談經入虎觀執簡直胄筵載筆侍
香案終非天廟器遽被塵鞅絆三接辭日邊一
麾吟澤畔粗官走牛馬俗士類冰炭軍符磨盾
急民俗懷輒悍瘡痍憂拊循萑苻責守捍百事

慮叢脞夙夜我心憚忽然逢伯樂傾蓋刮目看
屢陳山公牘特設穆生晏飛書馬上傳借箸幄
中贊頻稱長卿才弗較仲氏嘖坐是徇所知星
霜今六換倦鳥戀山樊勞人思里閨榮枯雖在
天行藏貴自斷良庖善藏刀大匠恥畫墁

峽中作

偪仄復偪仄兩崖如積鐵孤舟入其中與波相
曲折百夫同呼耶十盪亦十決篙聲向水爭帆
力藉風掣遐想鴻濛初川融山則結不知何王
代此地忽迸裂豈真似后朝特勅巨靈截其上

學易齋吟草

七

浮雲連其下洪流泄晴霄走迅雷暑路洒密雪
我行徧九州於此歎奇絕溟津造物初其理不
可說舉頭望青天蒼蒼一綫揭

青灘

江天殷殷儵聞雷舟人告我青灘米江中亂石
若茶布水石相激聲喧虺舟行一落忽千丈稍
有不戒如枯摧我聞古孝子九折之坂回其軌
從來坦坦幽人塗我獨何為行至此舟子凜然
笑使君未達理上灘復下灘萬船集如市上灘
有如魚上竿下灘有如弩激矢去者自徜徉來

者方未已不見宦海中無風波瀾起視此險孰
多望西而笑人皆喜人生吉祥在知止世上畏
途不在是

出峽

積雨滿雲巒孤舟出江渚兩岸不見人但聞烟
中語野老朝趨墟塗遇相爾汝始知出峽未路
已入荆楚

人日舟中作

孤篷經月峽中行聽水聽風不計程山至夔陵
忽平遠天逢人日正新晴釣家三五樹邊住沙

學易齋吟草

八

鳥一雙烟際明滿地江湖歸未得此心先與白
鷗盟

元夜舟中獨酌成詩

開歲纔一瞬明月忽已圓我行赴京國晚泊荆
湖邊青天無纖雲舉酒對嬋娟江村八九家茅
茨比屋聯兒童戲竹馬笑語聲喧闐嗟我辭京
闕宦遊今七年初客苦寥落積久亦自然荒江
夜蕭條頗得清景延雖無管絃樂尚勝戎馬填
村醪不成醉聊以娛目前

江鳥

衆鳥翬雲路忘機獨羨君棲如六月息鳴亦九
臯聞自好常孤立相看總不羣烟波春萬頃飲
啄絕塵氛

獨酌

客久忘寥落而舟住若家禪歌勝絲竹水味足
魚蝦辨柳知春色聽鷄感歲華篷窓一尊酒坐
到月輪斜

雨泊

漠漠空江雨沙鷗濕不飛晚烟生驛樹新漲沒
漁磯水色明遙夜鐘聲度翠微巴山諸戰士曾

學易齋吟草

九

否洗戎衣

感遇

魚游常逆水鳥飛常逆風魚鳥亦何知化機運
其中人生寄宇宙辟彼蟲能蟲有順欲無逆所
見殊愚蒙秋林感黃落春至還蔥蘢榮枯會有
時循環無始終草木初不言委心任洪濛

夜宿呂堰驛追訪王聽夫事曰述以詩

聽夫名翼孫吾友鐵夫之仲弟也少以
書生入昭信伯李公奉堯幕府為書記
既而供事宗人府議叙得從九品官之

湖北乾隆乙卯歲白蓮教奸人將作亂
聽夫權長樂承長樂之賊蠢蠢欲動矣
聽夫廉知之密白上官并條陳勦捕事
宜維時天下無事文恬武嬉聽夫啓事
至大府共怪其言不祥以他員替之未
幾長樂枝山來鳳之賊相繼起而襄陽
老教賊人則以嘉慶丙辰三月十六日
起於黃龍匪是時聽夫復為呂堰巡檢
呂堰距黃龍匪僅百里聽夫得其耗集
父老為守禦計百姓習承平日未覩兵

革事聞聽夫言或從或否二十六日賊
入境居民奔散聽夫猶率其吏卒以捕
賊已而賊大至呂堰之北有大石橋聽
夫率眾踞橋而守倖斬數十賊賊至益
眾即從聽夫吏卒亦漸漸引去禁之不
能止矣聽夫自度力盡不可枝梧遂自
剄尸隨橋下此嘉慶元年三月二十九
日事也賊退百姓尋其尸橋下死者眾
骸骨縱橫相雜不可辨僅得聽夫死時
衣付其家招魂歸葬而已迨永將軍名

保督師兩湖以其事聞諸

朝邱如

典而聽夫之死所傳聞有異詞或曰為賊礮擊死或曰為賊所得不屈被戕云余向在威勤公之幕凡獲賊皆得鞫之黃龍匪之賊張忝倫為首也壬戌春總兵田朝貴既殲張忝倫生獲其姪送大營余鞫之則無戕害王巡檢事又言賊甫起時未有火礮也茲事往來胸中不能釋頃曰計吏入都道經呂堰宿逆旅主人卜姓家其人知聽夫死事顛末述之甚詳曰紀一詩書寄鐵夫載諸王氏家乘可也

鐵夫吾畏友令弟亦人豪少年負奇氣結髮稱俊髦讀書兼讀律餘力習戎韜始為昭信客倚馬工揮毫周攬九邊勝匹馬時驥超一朝作卑官頓首入吏曹是時秦楚間茅蕪生螭蝮君權長樂尉狐鼠伏在郊蝟蠕勢將動議捕計則撓移官之呂堰脩聞賊矢嗚父老驚走告閭井塵甚囂四方承平久百姓樂怠教武夫諱言兵將惰士卒驕軍符累徵調臨事虛翔翺君乃義形

色名集里中豪部勒寓兵法戰守分勁茅衆心
稍踴躍冒死相招邀初出有誅斬報功絕濫叨
俄而賊大至萬戟若蝟毛心知力不敵盡命廿
始刃尸僵卧橋下碧血淹征袍骸骨亦狼籍日
久隨波濤竟無尸屢革行路悲號吽父老陳其
事所司告於

朝祭葬賞延世

天語親矜褒嗟哉一巡檢於

國如鴻毛居然死勤事官豈論卑高魂兮定為

厲殺賊隨征旄今聞凱歌歸安用巫咸招哲昆

學易齋吟草

十二

世誼士與我素久要十年鵠原痛志在幽光昭
疇昔思作誄衆說然疑交令我履其地與人論
非諺作歌表餘烈所貴揚貞勞他時補志乘非
止陳風謠

楊柳

楊柳春先綠秋來亦易凋絮因風力起萍逐浪
花漂贈遠催征騎含嬌鬥舞晉一聲羌笛怨芳
信玉門遙

朱仙鎮弔宋將軍岳武穆

諸軍奉詔反戎車痛飲黃龍願已虛千里草青

亡漢鼎六宮麥秀棄殷墟匹夫飛語成冤獄辱
主甘心受謗書賢后清齋猶報德中原父老慟
何如

九域烟塵戰伐深六橋花柳已成陰兩宮清蹕
無消息十世神州竟陸沈南渡自營磐石計北
征豈合廟堂心清涼居士知機早策蹇移家竟
入林

汴梁懷古

艮嶽崔嵬舟木竒天書秘密道君知和戎坐使
金縉盡臨難原非揖讓時燕馬飲河城失險杜
鵲啼樹社將移祖宗杯酒兵權釋終見兒孫弱
不支

重過邯鄲疊乙卯舊作韻

十年重過趙都闔兔走烏飛促兩輪枕上游仙
空有夢囊中脫穎更無人燕臺宛在雲山遠蜀
道歸來雪鬢新問訊黃梁猶未熟幾時天許乞
閒身

座師王文端公輓辭三十韻

宿列三台座山鍾二華靈拔茅占泰筭戴斗應
文星筆冢師羲獻經畬貫孔邢辭霏梁苑雪名

辨楚江萍清秘燃宮燭

慈寧寫佛經不談溫室樹時聽木天鈴輿論尊
君實

皇衷識九齡五番主棘院三命上槐廳
法官刑傲箋詩

御墨馨讜言持政典正色立

朝廷垂馬忘牝牡知人別渭涇衡平操玉尺

簡在下金瓶處世何崖岸鋤奸似螻螟鬢因憂
國白眼為愛才青蹇蹇躬誠蹇惺惺意寓惺

兩朝重遇合一老共儀型妙手工調鼎嘉謨善

學易齋吟草

十四

叩扁籌邊頻補牘薦士必

書屏黃髮歸田里丹心戀

闕庭甘盤推舊學孔父守初銘壽滿八旬秩圖

傳九老形

上方頒錦笥中使騁雲軒虎拜容仍肅

龍光詔載聆

殿頭前席對門下小車停麟條來西野鵬遂反

北溟

恩榮授几杖

錫賚及參苓美謚書博史崇祠享上銅室無餘

粟廩家有

賜金亭絳帳音塵寂蒼生涕淚零空留衣鉢在
萬里不堪聽

松蘿店壁間有雲南選士劉春林題句愛

其卓犖和者數十人雖工拙不齊皆斐

然可觀不覺見獵心喜隨筆成詠積十

二首

我行徧九州愛士如愛馬每憐不羈材跼踖鹽
車下

莊生逍遙游任世呼牛馬鵬翼將圖南萬里風

學易齋吟草

十五

斯下

公孫負辨才白馬喻非馬淳于善滑稽芳言滿

稷下

漢皇尚遠畧西域貢天馬欲留示子孫鑄式金

門下

歐陽命世才文章亦班馬一時賢士夫皆願出

門下

涉江必擇舟登坂必擇馬自古知命人不立巖

墻下

昔為太史公今日走牛馬身雖在江湖心依魏

闕下

微風拂觚稜清韻生簷馬却疑鈴索聲鏘然玉
堂下

古有振竒人愛妾甘換馬豈如執經生抱膝老
牖下

佳人坐洞房手弄銀箏馬忽報海棠開笈立瑤
窓下

知時候鳴雞識塗仗老馬人皆曰予智乃出二
蟲下

仗劍從軍行飛書常倚馬萬夫夜無譁獨宿在

學易齋吟草

十六

車下

入都作

宣武城西大道斜垂楊夾路拂行車六街玉樹
初消雪三月緗桃未放花南苑射生春試馬壯
門待漏夜啼鴉十年珥筆螭坳客風景重來似
舊家

蘆雁圖卷為曹定軒給事作

弗避弋人慕飛鳴在莽蒼網羅知不及霄漢意
難忘湘浦秋如水關河夜有霜迢迢征路遠來
去搃隨陽

望雨

隴頭有鳥苦催耕
節過黃梅日日晴
多少御雲在天上
幾時霖雨到蒼生

初夏游西山岫雲寺

九峯環抱一峯尊
蠟屐重來舊迹溫
將入門時花肅客
曾題名處竹生孫
清泉漱石龍常守
深樹連雲鳥不喧
問訊遠公今健否
墓門蒼莽塋孤蹲

夜宿延清閣

綺樓西望夕陽明
有客登臨暮靄生
花迳水流

學易齋吟草

十七

仙籟遠雲房
僧定戒香清
九峯宛委青
排闥萬竹檀
藥綠繞楹
却怪空門太多事
苦將鐘鼓報巖更

留題朗月上人方丈

維摩丈室碧雲隈
埽盡談鋒見辨才
時有化人飛錫至
不辭俗士獵纓來
芳林雨足梅初熟
深院風和鶴自回
識破空花如露電
肯教明鏡著塵埃

初出都門見田家望雨未得感而有作

六月方徂暑
蒼生望霖大
田鞠為草
舊井廢

無禽樹引蟬聲遠沙留馬跡深不辭行役苦望
歲獨愁心

平原懷古

七國連雞縱復衡趙家公子寂知名翩翩當世
誰同調碌碌回人事亦成飲酒何妨入秦國買
絲兼欲繡虞卿今人肝膽輕相許幾輩忘身殉
友生

徐州感事作

黃河之水萬里來流到海門建瓴急黃水一斗
沙七升借水刷沙古法立水急沙行緩則停斯

學易齋吟草

六

理易明衆所習一孔之儒多日論變更成法利
不十

國家治河兼治漕漕水苦涸河苦瀑鑿通黃流
入運道以此有餘濟彼耗此議初興動一時衆
論雷同無異詞但顧近憂忘遠慮無窮流毒今
始知黃水中分勢無力下游停沙日偏側其旁
流沙入運河清水積沙亦淤塞初期兩美今兩
傷謀之不臧咎誰執君不見周靳兩文襄江南
水利刊成章峯山四閘定尺寸至今依法為宣
防古人一事百世利今人但顧目前計要知古

今不相及但守舊章勿輕棄彼哉一誤已噬臍
及今補苴事非易庶人芻蕘尚有言我歌願告
河隄使

楊莊阻淺

黃流浩蕩海雲邊一葉舟膠阻不前始信蓬萊
山下水有時清淺變桑田

到家示兒輩

七載西征客鄉闕復此過風塵常逆旅歲月若
流波雁信先秋至蟲聲入夜多我勞殊未已空

負碧山阿

學易齋吟草

十九

松竹先人澤衣冠舊里風暫歸渾似客相識盡
成翁感遇彈長缺閑情寄短桐平生嘉遜意龜
筮未全同

絕域三巴險妖氛百戰清曾經憂患後轉覺死
生輕借箸元戎席飛書大將營漢家空右武衛
霍未知兵

骨肉雲山隔兵戈道路難危機如集木飛語若
流丸去日秦關險歸人趙壁完所居吾未卜空
戴遠遊冠

結髮荆妻死星霜十載餘鼓盆悲未已同穴願

猶虛窆石新題字誅茅舊卜廬他時歸隱去誰
共鹿門車

歎息人閒世憂歡百事煩嬌花方得賸苦竹又
殤孫薄宦虛舟繫浮名散木存始知齊物意蒙
叟本卮言

芳草迎新雨幽禽戀故巢買山何日隱誓墓此
心牢家少藏金穴門多戴笠交揚雲方執戟何
術解人嘲

五十老將至愁多病復侵顏齡駒過隙歸思鳥
投林學道風情減扶衰藥力深但求婚嫁畢遊

學易齋吟草

二十

嶽已無心

自封生壙畢作詩志意

會稽誓守先人墓幽宅吾今卜此峯妙子桐桑
魂自返司空生壙手親封月明華表思歸鶴雨
滿平湖省濯龍是日午後驟雨太湖龍躍他日
凌雲應一笑佳城環擁翠芙蓉

為朱愚溪題西湖話雨圖并懷張蒔塘明

府

一別錢塘十四年湖山佳處夢常牽却曰舊雨
逢今雨同結裴王畫裏緣

故人今作西湖長我獨馳驅蜀道間何日蓬窓
一尊酒剪燈相對話巴山

題蔣立崖四丈天遠雲歸圖

世事茫茫何日了白雲惟有歸山好君不見天
上卿雲五色深蕭索輪囷世共寶幾時霖雨到
蒼生曰風牽率空顛倒何似閒雲一葉輕山中
自悅無人勦我亦身如嶺上雲初心願守青山
老一朝出岫本無心欲歸未歸自煩惱世人未
解雲何心猶羨從龍甚天矯觀君此圖忽棖觸
話到故山歸計杳松菊柴門亦已蕪勞人難卜

學易齋吟草

二十一

歸遲早丁寧重與白雲期一片野心當自保

游梁溪秦氏寄暢園

綠水紅橋小樹深叢生桂樹碧成陰我來疑入
維摩室天雨新花地布金
螺粉墻平被薜蘿臨溪畧約自橫波山重水複
無窮處留得雲林畫意多

門外秋山翠蜿蜒故家喬木自蒼烟
先皇翰墨歸然在應有榮光夜燭天

百折回廊窈窕通松宜明月竹宜風幽栖大似
逍遙谷巢許夔龍集此中

仙巖春曉圖為陳巢雲賦

曾見劉郎傳列仙洞天深處隔雲烟姓名直可
同巢父邱壑先教入畫禪不與謝公爭慧業且
從白傳証前緣知君欲擬遊仙什為詠青溪道
士篇

九月初舟過毘陵適遇樾存同年六十初
度賦詩為壽

壽觴舉處酒如淮詩史編年次第排萬里歸來
公未老 三天侍直我曾偕共知名世文章貴
獨羨還山歲月佳聞說良規陳座右

學易齋吟草

二十三

主恩愛士本無涯

登舟將發適陳桂堂同年自松江來歡聚
累夕承以詩饒百疊詩冊見示曰次卷

中元韻四首却寄

秋深重理舊征衫一舸移家萬里帆嘉客題襟
心畫聖貪官燒筍舌根饒五丁開嶂通巴國二
酉探書入禹巖屈指萍踪幾離合新詩吟就手
親函

馬上胡纓短後衫江湖無恙故人帆當官妙得
調羹秘說士甘同食因饒書學一家淳化閣文

心九曲武夷巖會稽親訪蘭亭蹟縮本重鑄玉

枕函

柱堂近歲主講叢山書院有重鑄玉枕蘭亭拓本見惠

手馘黃巾血染衫茫茫宦海未收帆十年消息

鴻難達三食神仙蠹尚饒訪菊共登懷杜閣種

桃回憶避秦巖

柱堂曾任辰州太守

不知坐擁書城客誦

到瑯嬛第幾函

一曲琵琶淚滿衫幾時天際見歸帆若論杵臼

心交許纔話尊鱸意已饒座上雲雷三代罷畫

中金粉六朝巖仙郎一路題詩處應有奚奴負

錦函

學易齋吟草

二十三

梅花嶺過史閣部墓追和亡友李介夫編

修詩韻四首

羣小爭城社孤忠戀闕廷共和周柱石諸葛漢

儀型薙血終成碧飛書已汗青誰能一杯酒跣

足厭長星

湯說鍾山勝風雲衛孝陵孤軍傳夜火狎客戲

春燈故劍忘元后淫刑及梵僧忠臣臨難日餘

恨亦填膺

東南論形勝扼要在揚州北偵三邊堠南通百

粵舟荒淫遇昏主跋扈徧諸侯坐致長城壞衣

冠僅首邱

遼海

真人出懷柔徧百神三軍除鼠雀四海靖風塵
定策安神罷誅姦及鬼薪周家封墓典第一表
殷仁

舟過金山寺同福與其婦唱和成詠曰次

其韻

頻年戰馬歷蠶叢此去應乘萬里風客路雲山
詩卷裏梵天樓閣鏡函中脩成慧業三生定拜
罷香嚴五蘊空聞說名區留玉帶禪門公案豔

學易齋吟草

二十四

坡翁

趙二開仲相送至京口別後却寄次同福

韻

少年才氣赴三端老去情懷念古歡徵士柴桑
真獨樂散人杞菊本借寒一篇庭誥應貽子萬
里征程又赴官欲借歸鴻報消息行人無恙布
帆安

武昌感舊作

漢上題襟迹已陳篋爐冷煖幾番新狐能假虎
威難久竹喜彈蕉節可真禍發疾如弦上矢機

深空轉腹中輪南樓一夜清秋月洗却元規百斛塵

雪中登黃鶴樓

畫裏江城萬竈烟城隅高閣對晴川平臨大壑雲垂野獨倚危樓雪滿天徐步自登千仞上舊游還憶十年前神仙路遠家山阻漸看新霜到鬢邊

雪滿江皋蓬底悶坐漢陽太守紀香谷以

酒肴見遺走筆成詩

江豚吹浪阻征撓戍鼓統如起麗譙向浦雲隨

學易齋吟草

鴉陣沒打窓風助雪聲驕不辭呵凍成詩草無計消寒覓酒瓢愁坐孤篷方窅冥故人雞黍忽相邀

書故相劉文清公手書詩卷後

海岱門高冠九州齒牙宏獎見風流當時同入

山公牘江左門生盡白頭公督學江南余與張青城王揚甫沈芷生

諸子並叨激賞

卅載書紳論不磨立朝先戒受恩多余已亥鄉舉游借計

入都謁公辭別公諄諄以解氣結納為戒至今恪守不敢忘泰山自有孤生

竹肯向松陰繫女蘿

蘇黃詩派滿詞壇風雅齊梁近建安留得緣情
香一瓣不教滄海縱狂瀾

書中三昧自通禪鴻戲龍跳逼晉賢却恨家藏
名跡少每尋宜祿購雲烟

戒定真如苦行僧楞嚴萬轉佛前燈不須更示

維摩疾一點靈光彼岸登

公無疾而逝

天語親褒有父風何須平仲辨和同世人不解
調元術錯把模稜議相公

魯國靈光孰比倫孤寒八百受陶鈞不圖後進
從先進並作春宮侍從臣

學易齋吟草

二十六

臣門如水况臣心地下無人與鑄金今日易名
標大行始知清節格

天深

獨學廬一稿目錄

卷上

四六文

擬 車駕臨章太學擇奠 先師孔

子文

擬 遜嬪沈氏祭文

擬 冊封固山貝子奕綸文

擬 鎮國公永珮初次祭文

擬 嘉勇郡王福康安入賢良祠文

江南山陽等州縣緩征錢糧謝 恩

獨學廬二稿

劄子

江南淮徐二府州縣賑濟并借籽種謝

恩劄子

江南徐州府屬州縣加賑謝 恩劄

子

獨學廬初稿自序

暮春修禊序 重次蘭亭字

送郭編修給假還鄉英親序

送吳侍讀歸養序

送惠泉酒為俞太孺人介壽啓

接引佛讚

清故湘鄉縣丞吳君墓誌銘

王春波瀟湘雲水圖卷題辭

譚子受吹簫乞食圖題詞

卷中

疏

征邾教疏

書

上成親王書

與姜中丞第一書

獨學廬二稿

與姜中丞第二書

與姜中丞書

與同年李明府錫書論河圖洛書書

記

祁陽廖氏宗祠記

小西厓記

長壽縣新城記

東川書院科甲題名記

序

蘭谷詩鈔序

湖湘采風錄序

幼學翼序

沈氏羣峯集序

養雲樓詩序

高滄橋先生遺稿序

試帖偶鈔序

詩龕銘并序

詩冢銘并序

送王惕甫之華亭校官序

傳

獨學廬二稿

雪香翁家傳

祭文

祭張耐舫太守文

祭楊荔裳方伯文

卷下

跋

周宣王石鼓文跋

漢隸西狹頌跋

漢樓壽碑跋

太學蘭亭序跋

焦山瘞鶴銘跋

又

北魏張猛龍碑跋

北魏李仲璇碑跋

北魏懷令李超墓誌銘跋

北魏楊大眼造像記跋

隋姚恭公碑跋

唐九成宮醴泉銘跋

唐尉遲敬德碑跋

獨學廬二稿

唐同州聖教序跋

唐都尉李文墓誌銘跋

唐阿史那忠碑跋

安刻孫過庭書譜跋

唐明堂令于大猷碑跋

唐周公祠碑跋

唐雲麾將軍李思訓碑跋

又

又

唐高福墓誌跋

唐元宗青城山常道觀手勅跋

又

唐思恒律師墓誌銘跋

唐麓山寺碑跋

唐蘇靈芝鐵像碑跋

唐大智禪師碑跋

大智禪師碑陰跋

唐莒國公唐儉碑跋

唐雲麾將軍李秀殘碑跋

唐中岳永泰寺碑跋

獨學廬二稿

唐千福寺多寶塔碑跋

唐懷素草書千文跋

唐懷素律公帖跋

唐無憂王寺真身塔碑跋

唐吳季子祠堂記跋

又

又

唐景教流行碑跋

唐武侯新廟碑跋

唐靈慶公神堂碑陰記跋

唐大字陀羅尼經幢跋
遺教經不完本跋

唐西域舅甥碑跋

經幢殘字跋

袁正己正書摩利經跋

長沙鐵柱文跋

又

黃庭堅涪溪摩崖詩刻跋

元趙承旨書孫真人碑跋

乾隆五十六年進士題名碑跋

獨學廬二稿

戲鴻堂法書跋

快雪堂帖跋

錢選花卉草蟲圖跋

文衡山虎邱圖詩卷跋

仇十洲漢宮圖跋

董香光行書寶硯詰卷跋

董香光山水詩畫卷跋

董香光行草佘山詩卷跋

董文敏行書百字令卷跋

王百穀詩卷跋

城南雅遊圖跋

獨學廬二稿

七

獨學廬二稿卷上

東吳石韞玉著

四六文

擬

車駕臨幸太學釋奠 先師孔子

文

惟 師德稟天生道章師表生民未有集千聖
之大成天下為公開兆人之先覺朕誕膺丕命
式紹鴻圖爰修釋奠之儀因舉臨雍之典敷言
建極即教孝以明倫稽古同文亦宗經而講學
尊師重道惟守憲章祖述之心偃武修文庶成
獨學廬二稿
康樂和親之治明禋斯舉至德維馨

擬遜嬪沈氏祭文

禮博陰教聿分九職之名詩美小星實贊二南
之化令範式昭於既往芳聲宜著於方來爾遜
嬪沈氏毓德清門含徽素里銘樹頌菊家傳八
詠之風望夕瞻參躬與九嬪之選陳詩緝藻曾
助警于雞鳴臨象占祥亦承恩于魚貫肅雍之
度炳乎掖庭澍慎之儀光乎彤史乃瑤華先謝
翟茀未膺宜錫褒封以彰潛德爰沛綉綸之寵
兼修禋祀之文於戲樹閣凝塵帳蘭儀之久隔

綺筵酌醑想騫馭以如存德其孔昭靈斯米格
擬冊封固山貝子奕綸文

馭貴者朝廷之典德乃懋官展親者君父之心
賞應延世是以誼篤本支則桐圭錫其慶恩流
奕葉則瓜瓞衍其祥爾奕綸乃多羅貝勒綿惠
之繼子瑚璉呈材英華蘊秀性姿貞敏蚤燕譽
之蒙麻罷宇端和允麟振之協吉肯堂肯構已
承式穀之貽維翰維屏宜與宗英之選茲封爾
為固山貝子錫之冊命於戲秩少差于舊勳示
親賢之有等寵仍加于新命推恩澤以無窮篤

獨學廬二稿

爾忠誠副茲榮眷

擬鎮國公永珊初次祭文

惟爾靈資岳秀派衍天潢克承行葦之恩遂與
維城之選初階宿衛趨蹌豹尾之班終典禁軍
表率羽林之隊以妙才而膺世爵由散秩而奉
朝叅守職無銜在公有恪忽聞逝矣良用惓然
嗚呼念公姓之振振每吁嗟於麟定肆初筵之
秩秩尚盼嚮於柩馨誼以恩明神其誠格

擬嘉勇郡王福康安入賢良祠文

盡瘁致身臣子有無方之義以勞定國朝廷無

不報之勲非有嘉名何以章異績非有明祀何以慰忠魂惟具官某公忠體國恭孝承家貞亮稟乎性成勲勞資乎時叙作朕心膂入則叅密勿之謨為國干城出則領封疆之寄服勤積三十年之久令聞無間於初終宣力周二萬里而遙丕績疊彰於中外交文武足以為邦憲篤業足以贊皇猷凡茲實心實政之敷施允副懋賞懋官之蕃錫茲以苗頑作逆邦禁是申載揚闡外之威益著師中之吉冒犯霧露曾自蔽夫甲兵踐履崎嶇躬必先夫士卒露布之書屢奏而心

獨學廬二稿

三

尤切乎搗穴擒渠羽于之績垂成而身未及乎策勳飲至勳爵既酬以上賞歲時合祔以明禮尚其憑俎豆之馨用以表賢良之輔

江南山陽等州縣緩征錢糧謝

恩劄

子

欽惟我

皇上仁覆同天惠孚薄海屢豐歲告寰宇胥蒙樂利之休重異時申頻年繫下蠲除之令誠求赤子仁育蒼生如祖父愛其子孫使蒞粟有如水火昨歲方承

大賚數已溢於億兆京垓今秋復慶豐年徵並
協於雨暘寒燠茲以淮徐分汎之區蕭碭毗連
之地令逢秋夏當大雨之時行境界淮河致洪
流之少溢窪地不無積水窮簷稍被偏灾仰荷
皇上睿慮周詳恩施優渥宣防並舉早看不日
託工撫賑兼施母或一夫失所乃百姓已沐悃
懃之福

九重猶咨稼穡之艱念茲六邑濱河同此一隅
被水在士女屢慶盈寧之後蓋蔽尚易輸將惟
堯舜常懷博濟之心惠保每臻稠疊更裕綢繆

獨學廬二稿

四

之計益施浩蕩之恩土有別于肥磽皆加確勸
賦無分於新舊咸予緩征

慈詔星馳歡聲雷動農非幽俗無忘陳七月之
詩人似華封咸願祝萬年之壽臣等榮依

禁籟恭聽

德音親見宵衣旰食之容先里閭而志感爰合
卷舞衢歌之願決肌髓而銘恩伏願自今歲奏
金穰時調玉燭黃流循軌全河長享清宴之麻
赤子含哺兆民齊食鞠謀之福

江南淮徐二府州縣賑濟并借籽種謝

恩劄子

欽惟我

皇上容保無疆，斂敷有極，議蠲議賑。

德已徧於寰中，已溺已饑。

恩每加於格外，民俗敦寧，耕鑿初無怨暑之聲。帝心懋協，勲華尚有咨饑之詔。當萬寶告登之候，以一夫失所為憂；比者淮徐二府蕭飭一隅，偶逢暑雨連綿，遂致河流漫溢，黃水入下游之境，窮簷少病，河魚蒼生，處率育之時，沃土寧憂澤雁，迺初承

獨學廬二稿

五

慈綍撫卹，歷乎三旬載降。

德音蠲緩，周乎兩郡，憫其三農之拮据，念其二輔之艱難，合正項雜項之賦而全除。

帝賚有加，無已分極，貧次貧之戶而並賑。

聖心寧濫，毋遺寬新賦而更弛其宿逋，省西成而早籌其東作，昨奉丙辰之勅，方輪免夫正供。今虞庠癸之呼，并特蠲其餘課，疆吏之封章未至，而預普春祺，窮黎之艱食已施，而更資嘉種。宜乎萬室若不知灾，豈有一民尚未被澤，此日人人握粟弗聞，仰屋之嗟，明春處處催耕無誤。

播琴之節幸斯民之安土胥沐

皇仁卜來歲之逢年皆歸

帝力

江南徐州府屬州縣加賑謝

恩劄子

欽惟我

皇上育物茂時撫辰凝績履端肇慶觀六寓之
同春胞與為懷憂一夫之失所令逢歲始

恩錫春祺念及曾汎下游有若徐方屬境施窮
簷之艱食展期更至三旬發高廩之深藏孚惠
遍周七邑

獨學廬二稿

六

德音載布私感彌深伏念該處境界洪河地稱
沃土偶逢水溢偏灾祇在一隅素習田功餘蓄
尚存百室仰荷

皇上慈綸屢降業經至再至三

恩賚頻加不啻絜千絜萬慮其輸將之拮据則
詩賜蠲除籌其生計之艱難則兼施賑貸在
皇澤頻仍之後蒼赤已抵于攸寧廼

聖心宵旰之餘青黃尚虞其不接嘉惠孚乎兆
庶布澤名乎陽和從此閭閻之二甯常充家臻
粒食畝畝之三時不害人樂豐年黃水安瀾慶

澄清于禹甸蒼生含哺膺歌祝于堯民

獸學廬初稿自序

文章不朽自古為難四十無聞哲人所恥蒙生
皇朝繁洽之運荷

聖人特達之知名則以及第稱禁官則以掌文
為職端居多暇無補當時向不能鏗汗蘭濡柔
翰拾六藝之緒勒一家之言母乃冒詩人素餐
之譏成聖門飽食之士乎蒙當束髮之齡頗抱
塞茅之性四子五經百過成誦移時覆之則遺
忘殆半先公曰此彊記不足而敏悟有餘可教

獨學廬二稿

七

也洎志學以還斯文是好鶯鳴思友驥附當仁
維時蘊秀含清昭文晰理則有張青城徵文考
獻訓辭和雅則有趙開仲淒音豔采出入騷選
則有景書常高文典冊沈博絕麗則有王念豐
標新領異工詞能賦則有沈芷生諸子方鳳翥
藝林席視文囿唯蒙獨學為心昌言復古當舉
世不為之日尋先民久寂之傳二三友生可與
共學博維桑敬止之心慕常棣孔懷之誼往往
辨異同校得失矧冶金以汝礪錯韞璞於他山
茲事雖微歷年有所竊自念幼承庭訓壯被

朝恩積平生風雨之心集師友檢繩之力雖欲
棄焉良弗忍也夫小技雕蟲亦名為一藝貧家
敝帚輒享以千金矧在讀書稽古之業歟迺芟
繁祛冗萃錄成編自我灾梨惟人覆瓿孤陋無
偶以獨學為名將敷其初志而已

暮春修楔序

重次蘭亭字

若夫放懷今昔浪迹山林所以領稽古之幽情
叙懷人之朗抱也當其春流將至清風襲生每
列時派嘗懷盛事歲又癸丑日既云楔諸賢惠
然將事有期于是引清絃攬虛竹左長老右故

獨學廬二稿

八

知或騁目於暮山或寄骸於斯室仰映崇宇俯
帶蹠湍曲和亭陰觴臨水次修能竹契和氣蘭
知興與人同趣隨天暢悟有為之相喻不死之
因俯今仰昔娛彭悼殤得列坐之於於託感懷
之一一暢哉此會雖快足無以不有所述豈文
人能事為大化自遷聽之於盡不及攬其品類
錄其殊茂合初終之感係後世之懷不亦可嗟
矣夫樂生痛死所惓之妄也興修悲短所察之
誕也一取一舍固視世宙之為一感一興亦極
文情之至况在萬年之峻地為九老之盛遊絲

管畢陳觴詠間作靜言未永後會猶修雖人已
異由亦欣慨咸集不隨不激視之足以齊俛仰
之形以興以羣信之足以一內外之遇視其所
以觀其所由雖向之所叙大致亦不少殊也矣

送郭編修給假還鄉奠親序

鶯鳴求友古賢敦意氣之交驪唱臨歧今我動
別離之感同年郭君曉泉今之彥聖者也官居
史職學為儒宗文含六藝之英道脩四時之氣
祥金良璧吾鄙之所儀型雅管風琴

皇猷之所潤色迺顯揚既遂明發彌悲對華屋

獨學廬二稿

九

而念山邱因鼎鉉而傷風木以為崇封非古即
聞宣聖之言幽宅女艱亦著周官之訓此而弗
事所謂追遠者何為於是解組一朝歸帆千里
匪辭榮于黼黻實繫想于松楸凡紳笏之夫文
學之侶莫不重其言邁申其久要暮春暄矣長
塗邈然鄉人觀畫錦之榮孝子永夜臺之感僕
忝桑梓又在金蘭不揣無文製為斯序

送吳侍讀歸養序

夫懷金戀紫搢竹垂魚進而不知退者慕祿之
夫也左林右泉吟風嘯月徃而不思反者嘉遯

之士也若時止而止時行而行軒冕不加榮山林不加晦者唯有道之彥乎惟我前輩吳侍讀穀人先生斯文金玉吾鄙淵雲執牛耳於騷壇漸鴻儀於

皇路風雲之氣陶鑄乎百家金石之聲鼓吹乎六籍方其著作承明論思中秘僉謂以稽古之彥登右文之

朝當劄詩緝頌掌石渠天祿之箴攷禮徵文參靈臺辟雍之議若鄴侯之才抱九仙衛公之集成一品無疑也迺一官落拓廿載委蛇雖稱蓬

獨學廬一稿

十

島之上流祇似金門之大隱魯公墨妙時傳索米之書馬卿賦成誰薦凌雲之憤而問竒末座者或踰濟于三階執策後塵者或迴鶻于九列昔人謂郊島以詩窮籍伶以酒隱有由來矣維時夙夜在公無闕於三事明發不寐有懷于二人于是堅養志之心上陳情之表以為白華潔養先喆所長言烏鳥私誠

聖皇所弗禁與其望白雲而尚慎孰如卜青山以遯歸人爵何榮天倫斯樂但承歡於二老寧易介於三公况家聞詩禮之箴地踞湖山之美

謂禮先祿養古有負米之聖賢謂孝在揚名此亦著書之歲月蓋其壽之累歲決之崇朝實藉水之真情匪萼鱸之矯跡也夫君恩罔極兩疏原無辭漢之心人壽幾何百年不盡報劉之願芳春維暮歸路且修懷賢者証以舊聞惜別者要其後會竊惟蕪陋幸接居遊聊述大都以為小引云爾

送患泉酒為俞太孺人介壽啓

竊以菊英入水都成延壽之漿護草在堂應晉忘憂之醞恭惟太君節逢施悅讌啓介糜敬陳

獨學廬二稿

十一

患酒雙瓶聊助賓筵三爵侑以羔韭剛逢腰臘之辰思及萼鱸均是家山之味伏願祝鳩座上阿母年增行馬門前郎君官貴中山千日占晚景之舒長寸草三春卜慈暉之永久

接引佛讚

并序

盖聞西方有極樂之國衆生皆隨願而往生東華有度人之經我佛亦現身而說法三乘秘密意識盡於無明百福莊嚴敬喜生于有相欲求解脫當矢皈依唯夫接引佛者三界摠持十方賢聖大放光明之力廣開濟度之門離色相以

歸真積因緣而成果三身皆法願力在貝葉之
中一指為禪世界現蓮華之末視宛親為平等
叅凡聖以同歸拔六道之輪迴齊離苦海合四
生之靈蠢並陟亨衢斯固無上之勝因如來之
正覺也大都首善之地法源開士之家有善知
識發大慈悲以為萬法本空因心乃見一誠能
感緣象斯呈乃出寶藏珍財募畫禪妙手參不
思議法肖常清淨身以水墨為經營以烟雲為
供養好相居然具足正法因而受持遂使十種
普賢咸入維摩之室六時禪誦如游舍衛之城

獨學廬二稿

十二

演妙喜于法筵結良因于淨土讚曰

稽首人天大導師 具大慈悲大願力

無邊法力照十方 接引羣迷歸覺路

九品逍遙極樂天 永免輪迴六趣苦

我今讚歎大功德 能觀一切法性海

為諸眾生作導首 常受菩提無上樂

清故湘鄉縣丞吳君墓誌銘

君諱英玉字玉泉蘇之常熟人也自周章錫姓
啓緒荆方季札避賢分宗梅里水木本源其來
尚矣迨我

聖朝蔚為令族高曾祖考世濟其徽君幼而懷
敏長而通方束髮受書長老卜其偉器弱冠美
翰士夫愛其嘉材既而劉蕢射策累困棘闈阮
瑀工文薄遊蓮府勾稽庶獄風議在庭益練達
夫人情且周知乎世務乾隆己亥歲以贊起家
歷試長沙湘潭衡陽縣丞補零陵縣典史一命
之榮澤能及物三考之陟政策宜民甲寅大計
以卓異聞乙卯楚氛不靖苗頑作逆君請纓麾
下執殳行間輓粟飛芻無爽乎晷刻戴星沐雨
弗懈于寢興嘉勇郡王摠統戎韜獎厲士績嘉

獨學廬一稿

十三

君盡瘁特予上

聞明年陞湘鄉縣丞君感

朝恩之拔擢慨戎事之動勦益矢勤勞弗辭艱
險日月載更霧露成疾河魚之災勿藥何喜馬
革之願有志竟成會總兵官花公自楚赴黔移
營冷風均君力疾以從賊方抄掠君躬冒矢石
力與支吾甚矣其憊病遂不起以是年七月初
九日戌時歿于馬鞍山下春秋五十有一孤子
尚錦負劍從行輿尸歸第巡撫姜公愍君勞績

馳驛以

聞有

詔加贈國子監學錄

賜金祭奠孤子將于某年月日卜葬虞山之先
塋請勒貞珉用昭奕葉夫芳聲不朽嘉績已炳
于旂常潛德克昌幽光亦生于泉壤乃為之銘
曰偉矣吳君延陵佳士世紹弓裘家承詩禮綺
歲通經盛年筮仕戒守官刑惠周獄市其有苗
弗率我兵事征高牙晨發刁斗宵鳴依山立寨
背水成營嗟君文吏踴躍從行其君之從行委
身鋒鏑奉檄星馳執戈霆擊將錄乃勳

獨學廬二稿

十四

帝嘉乃績有死無生此身何恤其罪人既得捷
書以聞嗟君逝矣弗及策勲黔山之麓湘水之
濱魂兮歸來觀我銘文

王春波瀟湘雲水圖卷題辭

從來詠蘭頌橘者必矜屈宋之奇尋壑經邱者
每慕衡湘之勝豈不以真妃福地騷客故墟風
氣清和山容平遠軒后鈞天之樂昔在巴邱如
王栝地之書今藏酉穴此固九川之靈藪四岳
之神臯也乎王君春波風雅方家丹青能手結
想烟霞之外遊心水墨之中作瀟湘雲水圖一

卷志舊遊也夫其上擊零陵下摩湘浦巖羅九
舉江瀛雙流寫雲樹于南天迷離同色繪烟波
于北渚絲邀何涯極十日五日之工具千山萬
山之勢非精心冥契妙想神遊烏能及此僕曾
持澤節爰止星沙兩度征軺三更歲籥祝融峰
下手捫岫嶺之碑正則祠前口誦薜蘿之句凡
此山名雲母浦號銅官峰標迴雁之名溪述捕
魚之跡皆曾蒐羅往躅印證舊聞忽睹斯圖寧
無裱觸夫雲烟過眼常闕遊子之懷邱壑憑心
必出化工之筆藉茲神品述彼名區他時弄向

獨學廬二稿

十五

顧厨攜歸米舫溯洄宛在本非海上三山舒卷
相隨即是壺中九華

譚子受吹簫乞食圖題詞

從來名士常多放誕之情屬在才人每託牢愁
之畔若王摩詰之蜚聲都下而溷迹樂工張夢
晉之繡像山中而假名詩丐皆雋流之已事藝
苑之舊聞也譚君子受淵雲勝士王謝名流文
成北地之宗詩入西江之派蘊鳳麟之竒采眾
皆目為異人發湖海之豪情時或驚其坐客所
宜黼黻

皇路藻耀儒林迺袞袞羣公皆回鶉乎莖省翩
翩公子獨落拓于風塵此吹簫乞食之圖所以
作也夫杜陵詩史不廢典衣之吟魯公正臣亦
傳乞米之帖在昔朝紳之貴家耻餘財况今鼎
食之裔貧尤可負所慮曲高和寡心苦知希地
非吳市誰從子于蘆中容異郢人獨愁子于日
下則恐賢如陶令叩門尚拙言辭情似洛生中
年將廢絲竹然索塗摘埴曾聞楊子之言換羽
移宮即叶鄒生之律柯亭賞音仙韶鳴盛終為
譚子卜之也

獨學廬二稿

十六



